



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-3-40-283-7/22**

Datum: **17.11.2022. godine**

Agencija za vodno područje rijeke Save» Sarajevo rješavajući po zahtjevu pravnog lica JKP „Trnovo“ d.o.o. Trnovo, za donošenje rješenja o vodnoj dozvoli za ispuštanje prečišćenih otpadnih voda u rijeku Željeznicu iz javnog kanalizacionog sistema Trnovo, na osnovu člana 139. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **d o n o s i:**

R J E Š E N J E **o vodnoj dozvoli**

1. Korisniku objekta JKP „Trnovo“ d.o.o. Trnovo, daje se vodna dozvola za ispuštanje prečišćenih otpadnih voda iz uređaja za prečišćavanje otpadnih voda iz javnog kanalizacionog sistema Trnovo, kapaciteta 5000 ES, izgrađenog na zemljištu označenom kao k.č. broj 55 K.O. Trnovo, Općina Trnovo.
2. Vodna dozvola se daje na osnovu dostavljene dokumentacije, utvrđenog činjeničnog stanja i slijedeće uslove:
 - 2.1. Da se objekti koji čine kanalizacioni sistem Trnovo održavaju u ispravnom i funkcionalnom stanju u skladu sa njihovom namjenom i ovim Rješenjem.
 - 2.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet prečišćenih otpadnih voda, a prije ispuštanja u recipijent, zadovoljio ključne granične vrijednosti u skladu Prilogom 1. Tabela 1.2. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20).
 - 2.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije, a učestalost i način ispitivanja vršiti u skladu sa članom 19. do 24. navedene Uredbe. Minimalni broj uzoraka u skladu sa prilogom 2. tabela 2.1. a maksimalno dozvoljeni broj uzoraka koji mogu da ne zadovolje uslove date u tački 2.3. ovog rješenja. Rezultate analiza dostaviti ovoj Agenciji.
 - 2.4. Da, ukoliko je Vlada kantona, shodno članu 55. stav (4) Zakona o vodama propisala, dodatne (strožije) uslove za izlazne parametre prečišćene vode od uslova propisanih u tački 2.7. ovog Rješenja, parametri prečišćene vode budu usklađeni sa parametrima propisanim od strane Vlade kantona.
 - 2.5. Mulj koji nastaje nakon prečišćavanja otpadnih voda iz predmetnog objekta zbrinjavati u skladu sa posebnim propisima.
 - 2.6. Da se redovno vrši kontrola, baždarenje i održavanje mjernih instrumenata u ispravnom stanju.
 - 2.7. Da se vrši redovno održavanje glave ispusta, dijela obala i korita rijeke Željeznice kao i pristupa mjestu na kome se nalazi ispust.
 - 2.8. Da se skladištenje hemikalija, potrebnih za rad postrojenja vrši u skladu sa propisima iz oblasti zaštite okoliša i van vodnog dobra.
 - 2.9. Da se vrši redovna kontrola uskladištenih hemikalija i obezbijede svi potrebni uslovi u cilju sprečavanja zagađenja površinskih i podzemnih voda uskladištenim materijama.
 - 2.10. Da se kruti i tečni otpad nastao u procesu rada postrojenja, ne smije odlagati na česticu „vodno dobro“, odnosno unositi u vodotoke i na njegove obale.
 - 2.11. Da se nastali čvrsti, opasni i neopasni otpad redovno odstranjuje i bezbjedno skladišti do krajnjeg zbrinjavanja od strane nadležne organizacije.
 - 2.12. Da se permanentno radi na razdvajanju mješovitog sistema odvodnje otpadnih voda, te da se prilikom izgradnje nove kanalizacione mreže projektuje i izvodi isključivo separadni sistem odvodnje.

- 2.13. Da se redovno vrši snimanje i kontrola stanja postojeće kanalizacione mreže. Ukoliko postoje ili se snimanjem na terenu uoče nekontrolisani pojedinačni ispusti fekalnih otpadnih voda u prirodne vodotoke, što hitnije poduzeti aktivnost da se isti priključe na postojeće glavne gradske kolektore.
- 2.14. Da se, od privrednih i industrijskih pogona, a koji su priključeni na javni kanalizacioni sistem, zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa Uredbom o uslovima ispuštanja otpadnih voda u okoliš i sisteme javne kanalizacije. Odobrenje operatera za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
3. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama ("Službene novine Federacije BiH", broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV tačka 29 do 33, ("Službene novine Federacije BiH", broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
 4. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja a sve po važećem „Operativnom planu u slučaju vanrednih i incidentnih zagađenja“.
 5. **Da se u periodu važenja ove dozvole donese Opći akt o održavanju, korištenju i promatranju vodnog objekta u skladu sa Pravilnikom o minimumu sadržaja općeg akta o održavanju, korištenju i promatranju vodnih objekata («Službene novine Federacije BiH» broj 97/19).**
 6. **U periodu važenja ove dozvole, korisnik je dužan dati rješenje problema konačnog zbrinjavanja mulja sa postrojenja za prečišćavanje otpadnih voda.**
 7. **U periodu važenja ove dozvole, korisnik je dužan da ishoduje okolinsku i upotrebnu dozvolu za predmetno postrojenje.**
 8. U periodu važenja ove dozvole, Korisnik je dužan provoditi sve mjere i aktivnosti propisane istom.
 9. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 10. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 11. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog uređaja za prečišćavanje urbanih otpadnih voda obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 12. Ukoliko prilikom upotrebe predmetnih objekata za koje se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 13. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 14. Prije isteka važnosti ove dozvole, Investitor je dužan da zatraži njeno produženje ili podnese zahtjev za izdavanje nove vodne dozvole.
 15. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Podnosilac zahtjeva, JKP „Trnovo“ d.o.o. Trnovo, obratio se ovoj Agenciji sa zahtjevom broj: 02-U1-827/22 za izdavanje vodne dozvole za ispuštanje otpadnih voda sa uređaja za tretman otpadnih voda, u rijeku Željeznicu.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- a) Ovjerena kopija Rješenja o registraciji Općinski sud u Sarajevu, broj: 065-0-Reg-10-001259 od 07.05.2010. godine;
- b) Ovjerena kopija Rješenja o izmjenama podataka – upisu u sudski registar, Općinski sud u Sarajevu, broj: 065-0-Reg-21-004591 od 18.11.2021. godine;
- c) Ovjerena kopija uvjerenja o poreznoj registraciji sa Identifikacionim brojem: 4201554690009 od 13.05.2010. godine, izdato od strane Federalnog ministarstva finansija;
- d) Kopija uvjerenja o upisu u jedinstveni registar obveznika indirektnih poreza broj: 04/1-17-1-UPJR/1-7889-2/21 od 07.12.2021. godine, izdato od strane Uprave za indirektno oporezivanje BiH;
- e) Izvještaj broj: 1030/22 o monitoringu kvaliteta i kvantiteta otpadnih voda iz postrojenja za prečišćavanje, urađen od strane „Inspekt - RGH“ d.o.o. Sarajevo, juli 2022. godine;
- f) Izvještaj broj: 1113/22 o monitoringu kvaliteta i kvantiteta otpadnih voda iz postrojenja za prečišćavanje, urađen od strane „Inspekt - RGH“ d.o.o. Sarajevo, august 2022. godine;
- g) Operativni plan mjera u slučaju vanrednih i incidentnih zagađenja postrojenja za tretman urbanih otpadnih voda JKP Trnovo d.o.o. Trnovo, urađen od strane „Inspekt - RGH“ d.o.o. Sarajevo, juli 2022. godine;
- h) Glavni projekat rekonstrukcije – sanacije postrojenja za prečišćavanje otpadnih voda za grad Trnovo, Knjiga 1 – Hidrograđevinski i mašinski projekat, Zavod za vodoprivredu d.d. Sarajevo, maj 2004. godine;
- i) Dokaz o uplaćenju upravnoj taksi.

Uvidom u dostavljenu dokumentaciju utvrđeno je da ovaj organ nije mogao postupiti po podnesenom zahtjevu, obzirom da dostavljena dokumentacija ne sadrži potrebne podatke. Dopisom broj: UP-1/21-3-40-283-2/22 od 08.07.2022. godine zatraženo je od podnosioca zahtjeva da dokumentaciju upotpuni u roku od 15 (petnaest) dana od dana prijema dopisa. Dana 19.08.2022. godine podnosilac je dostavio traženu dopunu dokumentacije.

U dopisu dostavljenom uz dopunu dokumentacije je navedeno da podnosilac nije u mogućnosti dostaviti odobrenje za građenje, upotrebnu i okolinsku dozvolu jer je navedena dokumentacija uništena u ratu.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz Rješenja o vodnoj dozvoli broj: UP-I/25-3-40-222-6/19 od 19.07.2019. godine, zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 13.10.2022. konstatovano je da je podnosilac zahtjeva «JKP Trnovo» d.o.o. Trnovo uredan obveznik plaćanja posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata, izvršen je obilazak lokacije i objekata postrojenja i tom prilikom sačinjen je zapisnik o uviđaju broj: UP-1/21-3-40-283-5/22 od 09.11.2022. godine.

Na osnovu dostavljene dokumentacije i uviđaja izvršenog na licu mjesta utvrđeno je sljedeće:

Postrojenje za prečišćavanje otpadnih voda (PPOV) Trnovo, se nalazi na lijevoj obali r. Željeznice, nizvodno od Trnova i ima riješen pristup sa saobraćajnice M18. Postrojenje je ograđeno i pristup je dozvoljen samo ovlaštenim osobama. Nadzor objekta se vrši 24 h/dan.

Projektovani kapacitet postrojenja je 5.000 ES. Nakon rekonstrukcije, PPOV Trnovo je pušteno u rad 2010. godine.

Dovodni kolektor na postrojenje je prečnika 400mm. Ispust u rijeku Željeznici iz naknadnog taložnika postrojenja je prečnika 300mm.

U krugu postrojenja se nalaze slijedeći objekti:

- Komandna zgrada
- Pumpna stanica za primarno dizanje
- Lučna rešetka
- Kompresorska stanica
- Pjeskolov
- Mjerač protoka
- Bioaeracioni bazen
- Naknadni taložnik
- Pumpna stanica za recirkulaciju mulja
- Silos za mulj
- Polja za sušenje mulja
- Trafo stanica.

Sam proces se sastoji od mehaničko-biološkog postupka prečišćavanja otpadnih voda sa tretmana mulja.

Procesna linija se sastoji iz dvije linije i to:

- **Linija vode**

Linija vode se sastoji od: grube rešetke, pužnih pumpi sa ulaznom komorom, lučne automatske fine rešetke, pjeskolova, kanala za mjerenje protoka, biološkog bazena sa „mamut“ rotorima, regulacionog preliva i naknadnog taložnika sa zgrtačem.

- **Linija mulja**

Linija mulja na PPOV se sastoji od: pumpne stanice za recirkulaciju i transport viška mulja, silosa za mulj i polja za sušenje mulja.

Nakon rekonstrukcije postrojenja i puštanja u rad 2010. godine Vodovod i kanalizacija d.o.o. Sarajevo je do aprila 2018. godine upravljao radom istog te vrše redovna uzorkovanja i ispitivanja uzoraka vode na ulazu i izlazu sa postrojenja.

Podnosilac zahtjeva JKP Trnovo d.o.o. Trnovo je dostavio izvještaje o monitoringu kvaliteta i kvantiteta otpadnih voda iz postrojenja za prečišćavanje, urađene od strane „Inspekt - RGH“ d.o.o. Sarajevo, jul i august 2022. godine, u kojima je konstatovano da izmjereni parametri na izlazu prečišćene vode sa postrojenja zadovoljavaju granične vrijednosti emisije otpadnih voda u skladu sa Uredbom o uslovima ispuštanja otpadnih voda u okoliš i sisteme javne kanalizacije.

Za predmetno postrojenje nije pribavljena okolinska i upotrebna dozvola. Podnosilac je dužan pribaviti mišljenje nadležnog organa za prostorno planiranje o statusu predmetnog objekta u pogledu njegovog korištenja te pokrenuti aktivnosti na pribavljanju upotrebne i okolinske dozvole.

Na osnovu provedenog postupka, a prema članu 17. stav (1) i (2) Zakona o vodama u svrhu smanjenja zagađenja voda, postizanja dobrog stanja voda, sprečavanja degradacije voda kao i održivog korištenja voda, JKP "Trnovo" d.o.o. Trnovo, kao operateru kanalizacionog sistema koji uključuje i postrojenje za prečišćavanje otpadnih voda, ovom vodnom dozvolom su propisani uslovi korištenja objekata i načina provođenja aktivnosti ispuštanja otpadnih voda. Podnosilac zahtjeva, "Trnovo" d.o.o. Trnovo kao operater sistema, obavezan je pridržavati se navedenih uslova, u skladu sa odredbama člana 116. Zakona o vodama i člana 13. Pravilnika o sadržaju, obliku i uvjetima i načinu izdavanja i čuvanja vodnih akata, te Uredbe o uslovima ispuštanja otpadnih voda u okoliš i sisteme javne kanalizacije. Konstatuje se da je podnosilac zahtjeva ispunio minimum uslova za izdavanje vodne dozvole za ispuštanje urbanih otpadnih voda sa gradskog područja Trnova, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu takse iz tar. br. 43. Zakona o federalnim upravnim taksama i Tarifama federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

UPUTA O PRAVNOM LIJEKU:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka

Nihad Pezo, dipl.inž.građ.

Prilog: Dokumentacija navedena u tački h) obrazloženja.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- JKP „Trnovo“ d.o.o. Trnovo, ul. Bare 30, 71223 Trnovo (Prilog)
- AVP Sava, ISV – Vodna knjiga
- Sektor 50
- ⊖ Sektor 40, arhiva
- AVP Sava - Oglasna ploča